



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 132. Burgundiæ Ducissa Galliam inter & Angliam pacis Conciliatrix.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. CXXXI.

Sæcul. XV.

A.C.1438.

*Synodus cum Græcorum consensu
Florentiam translata.*

Hæc translatio promulgata est in Sessione decima sexta, quæ inter Ferrarienses postrema, & nonnisi decima Januarii die anni sequentis habita est. Papa Græcis aliquam eorum, quæ illis debebantur, subsidiorum partem numerari iussit; Constantinopolin quoque nonnulla pecuniarum subsidia missa fuere, ac præterea conventio olim cum Græcis facta innovabatur, qua omnes sumptus, ut Florentiam petere, ibidemque commorari, ac tandem ad sua reverti possent, liberaliter suppeditatum iri promittebatur, sive demum Ecclesiarum unio sequeretur, sive non. Quibus ita compositis quisque suo sese itineri accinxit. Nos autem, donec Græcos Florentiam pervenisse continuata historiæ series monuerit, ad alia in hunc annum memoratu digna excurremus.

§. CXXXII.

*Burgundiæ Ducissa Galliam inter
& Angliam pacis conciliatrix.*

Cum Francia adversus Angliam continuè bellis involveretur, Isabella seu Elifa-

Sæcul. XV.
A. C. 1438.

Elisabetha Burgundiæ Ducissa nil intentatum reliquit, ut hæc duo regna optato pacis foedere rursus conjungeret. Stimulabatur ad opus tam pium vehementi desiderio, ut tandem Dux ejus Maritus optata quiete potiri posset, nec ingrata Anglis erat hæc pacis conciliatrix, utpote quæ, cum secundum lineam maternam ex inclyto Lancastriæ Ducum stirpe descenderet, proin ipsum Regem sanguine contingeret, minus quam nemo alius Anglis suspecta esse debebat. Hæc igitur ab utroque Rege impetraverat, ut suos quisque Legatos Ogiam (insula est Caletum inter & Gravesinam sita) destinaret. Legatione hac nomine Angliæ Regisungebatur Cardinalis Viceniensis; Raynaldus vero Girardus Baloiciæ Toparcha unacum Roberto Malienis rationum Præfecto pro Galliarum Rege hunc conventum, cui & eodem anno Mense Junio initium datum, sua præsentia honorabat. Intererat quoque Burgundiæ Ducissa, Aurelianensis Dux, Vindocinensis, & Dunensis Comites unacum Archiepiscopo Rhemensi Galliæ Cancellario, pluribusque aliis Proceribus, ac Regii consilii Patribus;

Oye

Basoche

Dunois